



31. januar 2007

Inatsisartut Suleriaasissaanni § 36 imm. 1 naapertorlugu apeqqutit uku Naalakkersuisunut apeqquti-gaakka:

Naalakkersuisunut apeqqut Royal Greenlandimi ataatsimeersuarneq taamaatinneqartoq pil-lugu.

(Inatsisartuni ilaasortaq Palle Christiansen, Demokraatit)

Pissutigisaq:

Upperinnerpiarnanga 30. januar 2007 paasivara Royal Greenlandimi ataatsimeersuarnissaagaluq aallartinnialertorlu taamaatinneqarsimasoq.

Sermitsiap internetsimi nittartakkakut aviisiani manna takusassaavoq:

”Royal Greenlandimi ataatsimeersuarnissaq pissanganartillugu utaqqisaq ualeq manna taamaa-tinneqarpoq piffissamullu aalajangersimannngitsumut kinguartinneqarluni.

Ataatsimeersuarnerup aallartinnerani inatsisileritooq Peter Schriver, siulersuisut ataatsimeersuar-nermi aqutsisussatut toqqarsimasaat, nalunaarpoq siulersuisunik qinersinissaq eqqarsaatigalugu ileqquusunik malittarinninnissaq pillugu ajornakusoornartoqartoq, taamaattumillu siulersuisut, qullersaqarfik pigineqataasutuallu sinniisuat naalakkersuisoq Siverth K. Heilmann kajumissaar-simallugit ataatsimeersuarneq taamaateqqullugu.

Inatsisilerituup Peter Schriverip ataatsimeersuarnerup taamaatinneqarnera matut matutinnagit itisilinnigilaa.”

Demokraatit isumaat naapertorlugu eqqumiilluinnarpoq nunatta suliffissuata annersap – malugisa-riagarporlu Namminersorerullutik Oqartussanit pigineqarmat – nalinginnaasumik ataatsimeersuar-nermi ileqquusunik malittarinninnissaq ajornartoqannginnissaa qularnaarsinnaannginnamiulluun-niit. Taamaannerata selskabemut aamma Namminersorerullutik Oqartussanut tatiginninneq iluaqu-sinngilaa, piffissami ikaarsaarnermi nalorninartorsiorfioreersumi.

Tamakku tunngavigalugit Naalakkersuisunut uku apeqqutiginiarpakka:

1. Ileqquusunik malittarisat suut pineqarpat?
2. Pissutsit allat nalinginnaasumik ataatsimeersuarnissap taamaatinnissaanik kinguartinneqar-nissaanillu aalajangiinnermut aamma pisooqataappat?
3. Suut pissutigalugit Naalakkersuisut inuiaqatigiit suli ilisimatinnigilai ataatsimeersuarnerup taamaatinneqarneranut pissutaasut pillugit?
4. Naalakkersuisut ataatsimeersuarneq alla qaqugu pisinnaassasoq naatsorsuutigaat?



DEMOKRAATIT
DEMOKRATERNE

Demokraatit isumaat naapertorlugu apeqquutit pikku ima nukingernartigipput piaarnerpaamik akisariaqarlutik, nalinginnaasumik akissuteqarnissamut piffissaliussap ullui 10 qaangiutsinnagit pisinnaappat qujanassaqaaluni.

Tamatumunnga peqqutaavoq nunatta suliffissuisa annersaat oqaatigiuminaatsumeereermat siulersuisut kiisalu aamma ulluinnarni aqutsineq eqqarsaatigalugit. Tamakku pissutigalugit pingaaruteqarluinnarpoq ataatsimeersuarnissaq alla tuavioernerpaamik aaqqissorneqarpat, inuiaqatigiillu nalujunnaassagaat suut pissutigalugit ataatsimeersuarnissaagaluq taama tassanngaannartigisumik taamaatinneqartoq.